

կանով: Հայ գիւղացիք այստեղ էլ, ինչպէս ամեն տեղ ունեն աշնանացան և գարնանացան — «Քիւզլան ու Բահերլան»: Աշնանը նրանք ցանում են ցորեն և գարի, իսկ գարնանը՝ ցորեն (գարնանավար), հաճար, կորնկան, կտաւատ, արևածաղիկ, շավդառ, եօնջա և այլն: Հացահատիկները. — ցորեն, գարի, հաճարը — տալիս են սովորաբար մէկին 6, իսկ ղէմիները՝ 1-ին 3 - 4:

Երկրագործութիւնը կատարւում է ընտանիքի իւրաքանչիւր անդամի մասնակցութեամբ, կանայք և փոքր աղջիկներն ևս շատ անգամ մասնակցում են այս աշխատութեան, որ բաժանւում է հետևեալ կերպով.

Վար: Արօրով արտը հերկելու գործողութիւնը կոչւում է վար, որից լետոյ շուտով ցափում և ապա Բարդու քաշում հեշտ ոռոգելու և աւելի ուժեղ աճեցման նպատակու համար:

Ջրել, որի համար, ցանելուց լետոյ եթէ արտը հարթ տեղ է 7—8 քալլ լայնութեամբ ակօսներ են բանում և ջրում, իսկ եթէ արտը զառիվայրի վրայ է, երկու ոտ լայնութեամբ ոլոր-մուլոր ակօսներ են (քարզվար) բանում և ջրում:

Հուկն, (խաղ): Յորենը քաղելու գործողութիւնը կոչւում է հուկն, որի համար հարկաւոր է մանգաղ, այն անձը, որ հնձում է, կոչւում է հնձուր կամ Բաղուր, իսկ կապողը՝ խուրձ կապող:

Հնձած ցորենը նախ խուրձ են կապում, ապա բարձելով սալլին, տանում են կայր, որ գիւղին կից է գտնւում. դա բոլորակ շրջանակի ձև ունի, ուր ցորենը մանրացնում են կամով կամ շամով: Կամը երկփեղկ տախտակներից միացած մի գործիք է, որի մէկ կողմը սուր գալլախաղ քարերով ճածկւած է, ցորենը մանրելու համար, իսկ շամն ունի չորս անիւներ, որոնց վրայ շինւած են բոլորակ ձևով սուր երկաթէ օղակներն ածելու նման, որով ցորենը մանրացնում են: Մանրած լարգախառն կոյտը կոչւում է փախաւա, որից